

眉山唐先生文集

三

晉山房先生文集

眉山唐先生文集卷十一目

唐庚子西

銘

船娘銘

黎氏權厝銘

三國雜事序

三國雜事篇上

諸葛丞相為後主寫申韓管子六

韜各一通

法正為蜀郡太守楊武將軍一飯之德睚眦之怨無不報復

董昭建議曹公宜進爵國公

華歆即原管寧相善時人號為一

龍歆為首原為腹寧為尾魏畧

云

建興五年丞相亮出屯漢中

曹公征烏丸遣使辟田疇、戒門

下趨涿州

曹公定鄴祠袁紹墓

章武三年四月先主崩于永安宮
五月後主襲位于成都改元建
興

建安十三年曹公自江陵征備至
赤壁與備戰不利退保南郡

春草與幽蘭不隔近於情眼

寒雲十二峯雲公自公題詩於

仙

山寺題詩於公下題詩於大主

持酒三平已自公上蘭公本公

公公公公公公公公公公公公

眉山唐先生文集卷十一

眉山

唐庚

子西



銘

船娘銘

船娘吾幼女也政和五年吾發惠州次番
禺艤舟滄浪之亭而女子是乎生明年至
江陵寓居于沙頭而女子是乎死是夕瘞
于鶴鳴寺之南其生也以十月初三日其
死而瘞之也以五月二十六日凡居人世

二百三十有三日其將瘞也其母黎氏持
而哭之曰兒玉也捨我安之乎吾即其語
而為銘曰
空々如谷何以得此玉終非作福未幾
而毀于櫝

黎氏權厝銘

侍女黎氏楊越人八年隨吾遵海濱丁酉
北歸至江津一疾即死不及仲月寔丙午
日壬寅葬之未可塋莫因權厝于此有子

存何以識之考斯文

三國雜事序

上自司馬遷史記下至五代史其間數千
百年正統偏伯與夫僭竊亂賊甚微至弱
之國外至蠻夷戎狄之邦史家未有不書
其國號者而三國志独不然劉備父子相
繼四十餘年始終號漢未嘗一稱蜀其稱
蜀者流俗之語耳陳壽默其正號從其俗
稱循魏晉之私意廢史家之公法用意如

此則其所書善惡褒貶與奪尚可信乎魏
晉之世稱備為蜀仇五代稱李璟為吳稱
劉崇為晉矣今五代史作南唐比漢世家
未嘗以吳晉稱之独陳壽如此初無義例
直徇好惡耳往時歐陽文忠公作五代史
王荊公曰五代之事無足采者此何足煩
公三國可喜事甚多悉為陳壽所壞可更
為之文公然其言竟不暇作也惜哉

三國雜事篇上

諸葛丞相為後主寫申韓管子六韜

各一通

學者責孔明不以經術輔導少主乃用六韜管子申韓之書吾謂不然人主不論撥亂守文要以智畧為先後主寬厚仁義襟量有餘而枚畧智調是其所短當時識者咸以為憂六韜述兵權奇計管子貴輕重任权衡申子叢名寔韓子引繩墨切事情施之後主正中其病矣藥無善惡要以對

病為妙万金良藥與疾不相值亦復何有
補哉

法正為蜀郡太守楊武將軍一飯之
德睚眦之怨无不報復或言其太
橫亮曰主公之在公安也進退狼
跋賴孝直為輔翌今翻然剴剴不
可復制如何禁止使不得行其意
邪孫盛評曰威福自下亡國之道
安可以功臣而極其凌肆諸葛氏

之言于是失政刑矣

秦昭王以危睢之故至頃平原君移書趙王以購魏者之首李廣誅霸陵尉上書自劾武帝詔曰報恩復仇朕之所望于將軍也復何疑哉國初郭進為山西巡檢民訴進略奪其女太祖怒曰汝小民也配女當得小民今得吾貴臣顧不可耶駭出之而三人者卒皆有以報國古之英主所以役使豪傑彼自有意義若孫盛之所見其亦

小矣

董昭建議曹公宜進爵國公九錫備
物以彰殊勲荀彧稱曹公興師本
為朝廷君子愛人以德不宜如此
曹公由是不平彧以憂死論者曰
彧計規曹氏以傾漢祚晚節立異
無救運移

管仲相名御公伐山戎伐陳蔡伐楚伐晉其
志欲尊周尔而名御公遂有封禪之志文若

依曹公平青徐平許洛平河朔平漢南其
志欲尊漢耳而曹公遂有九錫之說管仲
知封禪之不可許也故設詞以拒之文若
知九錫之不可長也故遜詞以却之管仲
幸故公從其說以全勤王之功文若不
幸故曹公不用其語以成竊國之禍其終
始幸不幸異耳用心豈不同耶論者何得
非之

華歆邴原管寧相善時人號為三龍

歆為首原為腹寧為尾魏畧云

而原管寧皆盛德之士而歆為之首則歆
之為人可知矣然漢書稱伏后之廢操使
歆勒兵入宮收后之閉戶匿壁中歆破戶
發壁而入此豈盛德之士哉操雖奸雄然
用人各當其理方是之時魏氏群臣如董
昭夏侯惇賈詡程昱郭嘉之流為不少足
以輔此何至使歆為之歆果賢邪操決不
敢以此使之以此事操則歆決不得為賢

者陳壽作原傳稱少與言寧俱以操尚稱
初不及歆至作寧傳又稱與原歆相友豈
三人相友而歆独無操尚乎朋友出處不
齊理宜有之操尚不同則非所以為友矣
此予之所未解也

建興五年丞相亮出屯漢中

是歲丁未魏之太和元年吳之黃武六年
也魏明帝即位既已踰年君臣無間前此
吳人攻夏口圍石陽不克是歲保境不動